

## 3. gr.

Við 6. gr. bætist ný mgr. sem orðast svo: Skipstjóri skal, svo fljótt sem verða má eftir að veiðum lýkur og eigi síðar en 4 klukkustundum eftir að komið er til hafnar, senda Fiskistofu skýrslu um áætlaðan úthafskarfaafli í viðkomandi veiðiferð á því formi sem Fiskistofa ákveður. Í skýrslunni skal koma fram úthafskarfaafli skipsins miðað við afla upp úr sjó sundurliðaður eftir afla innan fiskveiðilandhelgi Íslands, afla á alþjóðlegu hafsvæði og afla innan fiskveiðilandhelgi Grænlands. Einnig skal koma fram hve mikill hluti aflans er fenginn neðan 500 m dýpis og hve mikill ofan 500 m dýpis.

## 4. gr.

Reglugerð þessi er sett samkvæmt lögum nr. 151, 27. desember 1996, um fiskveiðar utan lögsögu Íslands og lögum nr. 38, 15. maí 1990, um stjórn fiskveiða, með síðari breytingum til þess að öðlast þegar gildi og birtist til eftirbreytni öllum þeim, sem hlut eiga að máli.

*Sjávarútvegsráðuneytinu, 24. mars 2000.*

**Árni M. Mathiesen.**

*Jón B. Jónasson.*

Nr. 205

23. mars 2000

## AUGLÝSING

**um öryggisráðstafanir vegna innflutnings sjávarafurða frá Míritaníu.**

## 1. gr.

Af heilbrigðisástæðum er bannað að flytja inn samlokur, skrápdyr, möttuldýr og sæsnigla frá Míritaníu.

## 2. gr.

Ákvörðunin er tekin á grundvelli 24. gr. laga nr. 55, 10. júní 1998, um meðferð, vinnslu og dreifingu sjávarafurða og tekur þegar gildi.

*Sjávarútvegsráðuneytinu, 23. mars 2000.*

F. h. r.

**Þorsteinn Geirsson.**

*Kristín Haraldsdóttir.*

Nr. 206

23. mars 2000

## AUGLÝSING

**um öryggisráðstafanir vegna innflutnings sjávarafurða frá Albaníu.**

## 1. gr.

Af heilbrigðisástæðum er bannað að flytja inn samlokur, skrápdyr, möttuldýr, sæsnigla, lifandi fisk og skelfisk sem fluttur er í vatni, frá Albaníu.